



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Nicetas Mart. 28. Julii.

[urn:nbn:de:hbz:466:1-62968](#)

in mundo est, quod in corpore sanguis, causam esse morborum, vel propter excessum, vel propter præposterum usum; sanguis corrumpetur: morieris, nisi effuderis illum in pauperes, ut in terreno, sic in cœlesti commercio, leve detrimentum gradus est ad lucrum maximum. *Etsi aliqua amissisti vitæ gaudia, negotiatio est aliqua amittere, ut majora lucreris.* Tertull.

3. Hæc duo potissimum curant ex morbo convalescentes. Primum certam habent vivendi rationem: alterum, salubri duntaxat cibo vescuntur, Rogat uæ conscientiæ moderatorem, ut doceat te rectum vivendi modum, à quo nunquam nec transversum unguem discedas: Angelorum cibo frequentius utere hoc cibo nutrieris, & in Jesum mutaberis.

S. NICETAS MART.

28. Julii.

Sic pugno, non quasi aërem verberans. I. Cor. 9.

Agyptius hic juvenis, à pugna heroica NICETÆ insignitus nomine, Angelus ob puritatem videri potuisset, nisi sanguis ejus, pro integritate conservanda, fusus, hominem probasset. Scivit hic, non nocere sensum, ubi non est consensus: quia tamen mori maluit, quam etiam innocens foedari, majore & acerbiore sensu, sensum periculoso

sum frangere & propulsare aggressus in carne carnem superavit. Exposuit Angelicum juvenem Decii tyrannis omnibus sensuum ille-cebris. In molli lectulo depositus, inter rosarum & liliorum odores, fontium amoenos strepitus, sericis captus fasciis, desolatus jacebat: jamque turpis lupa irruebat, blanda voce Syren, manu foeda Harpia, pudoris infesta prædatrix. Conclamatum videbatur de inermis & prodihi innocentia. At, dejecto corpore, erectus NICETÆ animus, surrexit in pugnam, qui que manu non poterat vinctus, ore adhuc solo libero pugnavit: præmordit dentibus linguam, inque effrontis prostibuli faciem exspuit. Ita, vulneris dolore, sequioris sensus amolitus periculum, fugavit insuper inprudens scortum, rubricâ sanguinis sui, velut stigmate notatum. Tu parthenie Sodalis, vel mutum hic monitorem audi, ne ultrò in talem necessitatem te conicias, ubi periculosa pugna, rariissima vero victoria est. Ex Hieron. & Niceph.

M E D I T A T I O.

De propugnanda Castitate.

1. **N**icetas elinguis docet horrorem peccati. Quo modo possum hoc malum facere & peccare in Deum meum. Dicit cum Iosepho Gen. 39 perpende in DEUM

DEUM MEUM factorē meū: Patrē meū & Iudicē meū:
Loquitur cum Susanna Dan. 13. Melius est mihi incide-
re in manus vestras, carnificum, quam peccare S. Ansel.
Episc. Cantua. Si hinc peccati horrorem inde inferni do-
lorem corporaliter cernerem, & necessariō uni illorū n im-
mergi deberem prius infernum quam peccatum appeterem.

2. Docet elinguis Nicetas Deum habendum præ
oculis in pugna carnis. Pudicus adolescens Dei recorda-
tione velut rore animum suum perfundebat, ne impij amo-
riū, igne torreretur ait S. Ephrem. de casto Iosepho; &
nos de Niceta. Ne dicas cum Senibus sceleratis Dan.
13. Ostia clausa sunt & nemo nos videt. Nonne? renūm
quog_z testis est Deus. Sap. 1.

3. Docet Nicetas ad resistendum peccato, supera-
re volenti cum gratia DEI, nunquam non arma in
promptu esse, & neminem vinci nisi ipse velit. Cla-
mat Susanna: fugit Iosephus: orat Petrus Salva nos
perimus: linguæ vulneri se defendit Nicetas. Et quid
tu facis in pugna? tantūm dixit diabolus ad Christum
mitte te deorsum, ut intelligamus quod qui obedit diabolo,
ipse se deponit. Nil. Serm. 12. in Psal. qui habitant.

S. MARTHA VIRGO

29. Julii.

*Martha Martha sollicita es &
turbaris erga plurima, porro u-
num est necessarium. Luc. 10.*

E 3

Mar-